



Bájkkeavijssa NuorttaSálto

Oahppijt dárbahti!

Tæksta: Børge Strandskog
Járggálibme: Idar Kintel

Gábddásit li ádá fáladagáv almodam Vuonan ja aj Svierigin. Lanjá ja áhpadiddje li vargga gárvvása. Dálá dássju oahppe vájlluji...
- Jus fáladahka Media ja guládallamin Ájluovtan galggá duohtavuohtan sjaddat, de vierttiji ájn vil ienep áhtsát. Mañemus “dead-line” le snjuktjamáno 3. bieje, javllá prosjækta-koordinator Knut Hamsun JS:an, Sven Asbjørn Korneliussen.

Ajtu le Korneliussen mávtugis, ja jáhkka sjaddi nuoges áhtte ávdvál ájggemiere. Mij “nuoges” le dán aktijvuodan, ij le tjielgas...

- Mij le tjielgas, dájna áhttselágojn mij le dálá, ij fáladahka álgaduvá. Valla man moadda áhtte dárbahti, vierttiji politihkkára mierredit, javllá sán.

Media ja guládallam le dábálettjat buoremus lijkudum áhpadusprográmmaj gaskan. Nordlánda fylkkasuohkan aktan Sámedikkijn le Knut Hamsun JS:aj ávdásvásstádusáv vaddám ásadittjat Median ja guládallam áhpadusáv joarkkaskávlá dásen tjavtja rájes, ja sierraláhkáj julevsáme álmugij. Dágástallin gal vehi gási dáv fáladagáv ásadit, Oppájdáj jali Ájluoktaj, valla fylkkasuohkan ajtu mierredij dav Ájluoktaj ásadit. Áhpadibme sjaddá Árran julevsáme guovdátjin.

Sij gudi ájggui áhtsát vierttiji máhttet duodastit siján le læhkám áhpadibme julevsámegiellan vuostasj- jali nubbegiellan, jali siján le dárbulasj gielalasj realmáhtudahka.

- Áhpadus le aj rabás állessjattugijda gudi sihti ádá hástalusájt. Mij rávkaduvvá le vuodaskávlá máhtudahka, ja máhtudahka



Rádediddje/prosjæktakoordinator Knut Hamsun JS:an, Sven Asbjørn Korneliussen.
Rádgiver/prosjektkoordinator ved Knut Hamsun vgs, Sven Asbjørn Korneliussen.

sámegiellan. Jus soajtti áhtte oarje- jali nuorttasáme guovlojs, intensivkurssa julevsámegiellan fáladuvvá álgon, dáttot Sven Asbjørn Korneliussen – ja hasot juohkkahattjav sáme birrasijn almodit dáv ádá fáladagáv.

- Jus media ja guládallamáhpadasáv tjadát li gal vissásit buorre barggovejulasjvuoda boahhteáiggáj. Uddni le gássjelis ulmuttijt gávnat dakkir áhpadusájn sáme birrasijn ja institusjavnájn, dáttot prosjæktajádediddje.

Guokta vuostasj jage áhpadusprográmmen le Vg1 ja Vg2 Media ja guládallam, mij die don guosská vuodofágaj

áhpadibmáj. Daj guokta skávlájagij mañiela, máhtá joarkket Vg3 media ja guládallamijn, aktisasj fágalsj lasádusájn joarkket jali máhtá viddnooahppen joarkket. Jus joarká skávlán goalmát jage, le máhttelisvuohta spesialisierit duola dagu fotofágan, journalistihkan, rekláman, tjuorgastagan ja hábbmidimen jali mediagrafiikkárin.

- Besa álov iesjrádálettjat barggat, ja álov dáhtá baktu barggat, javllá Sven Asbjørn Korneliussen, guhti jáhkka sij li buoragit gárvvánam tjavtja álgadibmáj Ájluovtan.

- Lip sjehtadallamin huodnahij birra, ja áhpadiddjevirge almoduvvin juo jagemálssoma ávdvála. Álgon diehtep máhtá gássjelis liehket fáhkabarggijt oadtjot dárbulasj máhtudagájn

julevsámegiellan, valla tjielpes áhttsijt lip oadtjum. Julevsáme bágojt dájda fágajda aj ávdánahttegoahtep, ja oahponævojt buvtadahttjáp, javllá sán.

Valla dálá vierttiji dássju ienep ulmutja áhtsát dan ádá skávláfáladahkáj.

- Mij lip “friddjum” sáme birrasijda almodittjat ja vájkkudittjat nav buoragijt gá máhttelis, aktan dájna almodusájn májt skávlá iesj tjadát. Jus dát buoragit gævvá, gáktu aj jáhkav galggá, de áhpadiddijt virggáj biedjap ja tjavggip tjavtja álgadibme gárvedimijt, læhpat Sven Asbjørn Korneliussen.

